

**Communicaziun allas medias digl cumegn da Surses ansemen cun  
ddr. Manfred Moschner  
(nr. 08-2016)**

**EMBARGO ANFIGNEN GLINDESDE, IGLS 28-11-2016, ALLAS 22.00**

**Surses: igl anteriour investour principal pigl grond project turistic a Savognin peglia posiziun.**

**Igl cumegn da Surses na porta nigra colpa alla retratga digl investour principal ve digl grond project turistic a Savognin. Alla fegn vegian ponderaziuns finanzialas mano a chesta decisiun. Las ramproschas digl manader designia anvers igls responsabels digl cumegn ed anvers igl sviluppader da project seian sainza fundamaint. Igl anteriour investour principal cala da tascheir e metta agl cler igls fatgs.**

Las ramproschas digl manader designia pigl grond project turistic, Rudolf Tucek, tgi è er proprietari digl hotel Cube a Savognin, tgi igl project vegia fatg naufragi perveia da l'inabilitad professiunala digls represchentants digl cumegn e digl sviluppader da project, seian sbagledas. Chegl dei ddr. Manfred Moschner tgi leva realisar igl grond project a Savognin scu investour principal avant tgi el è siva d'en'examinaziun profunda sa decida da sa retrer.

Da l'antschatta davent era cler agls investours tgi igl bogn da divertimaint seia ranviia a subvenziuns digl mang public. Igl bogn da divertimaint, igl hotel ed igl resort da vacanzas Viols, tgi furman en'unitad economica, èn sglischias ainten ena zona nunrentabla siva tgi gl'è curt avant la maseira da capital tottanegna nia pretendia igl dobel prietsch per surpiglier la S1 Hotelerrichtungs SA, damaias la possessoura digl hotel Cube a Savognin, dei ddr. Moschner. Cun chella preteisa seia igl project scu unitad definitivamaintg betg ple sto interessant pigls investours, chegl perveia dalla rentabilitad insuffiziainta.

Chesta decisiun è neida communitgeida agl team da project. Per consequenza ò chel tschartgea alternativs per l'investiziun. Siva tgi las tractativas cun en oter investour e manader potenzial n'on betg purto fretgs ò igl cumegn do ancunaschaint igl otgover la nov'antschatta digl project.

**Igl project vign adatto**

Igl project grond cun bogn da divertimaint e hotel agl areal digl lai Barnagn a Savognin scu er igl resort annecto agls Viols, cun en volumen d'investiziuns da var 100 milliuns francs vign sottamess ad ena analisa tgi duess mussar la realisabladad davart la construcziun, igl travagl e la rentabilitad. Igl sviluppader da project, la Mufag Immobilien SA da Pfäffikon SZ, examinescha igl mument diversas variantas. Gl'è avert anfignen cura tg'ins dastga spitgier ena decisiun. Igl contract da dretg da biagier pigl areal digl lai Barnagn ed igl contract da dretg da compra pigl taragn a Viols dalla Mufag Immobilien SA vala anc anfignen la fegn da december 2017.

Ulteriour sclarimaint Az dat igl incumbenso digl team da project:

Patric Vincenz

Veia Purmaglera 3

CH-7460 Savognin

Telefon: +41 (0)79 636 76 04

E-Mail: patric@vincenz.ch

Tinizong, igls 28 da november 2016